

其情の七言

六言梅吟

勢を承て

周浦南蔭堂姚氏所著書存目

南村詩文稿

元吉著

躋垣一覽

煒琛著

弈餘吟草

斌著

經絡圖

前人

弈譜

前人

地理雪心賦註

前人

青邱印譜

環著

前明治河圖攷

前人

鴈鴈吟

汝謨著

分省水利圖說

前人

秋堂詩鈔

蘭泉著

貞節閣見錄

前人

梁香集

仁著

桐蔭閣詩文集

煒琬著

丙辰錄

伯驥著

古字攷

前人

舉業列俎

前人

成語二千字文

前人

梓里紀聞

前人

試策便覽

前人

古文駕針

前人

吳興歷代試藝

前人

眞正醫方

前人

素安書屋吟草

其鈞著

大醫方

前人

六宜樓隨筆

其慶女士著

書紳一卷

前人

水仙菴聯吟草

前人

固哉錄

前人

亦悅軒詩草

有吉著

澧南集

煒琛著

怡志齋吟稿

文富著

洪景堂詩集

前人

題詞

吳江陸 惠臻卿

妙韻如珠乙乙圓。新詞麗句寫嬋娟。詩才似月尤明淨。一片清光出自然。

南匯 唐光裕問餘

不愧身爲元禮妻。事夫舉案與眉齊。六宜有詠皆傳作。四德無慚此品題。福慧幾生圓善果。才名早歲噪深閨。久探弄月吟風趣。始得珠璣指所迷。

南匯 葉秉樞紫仙

愛詩從未解吟詩。遍閱佳章儘可師。句好直堪追李杜。才高真箇勝鬚眉。錄成一紙供研究。歸與同儕破闕疑。自恨天生庸陋質。班門弄斧惹人嗤。

南匯 朱惟公益明

謝庭飛絮燦千箱。雪樣文章吐寶光。從古佳人埋沒易。最難

位置得才郎。

吉仙慈水傳佳話。歸李風流震一時。修得經師爲快婿。吟詩
爭用羨丁儀。

不見當年嫁后歌。鹿車共挽奈消磨。羣仙佳句才何麗。祇惜
明珠軼去多。

六宜樓吟草目錄

花朝	一
春日偶成	一
錢春	一
寄吉仙三姊	一
納涼	一
新雁	一
新秋懷吉仙姊	一
秋夜同吉姊諸甥作	一
九日偶成	一
留別吉仙三姊	一
夏日懷吉仙三姊	一
七夕	一
贈吉仙三姊	一
秋夜	一
別後有懷吉仙三姊	一
初夏	一
望三姊逾期不歸	一
和吉仙姊花朝原韻	一
春柳	一
春草	一

送李鍾秀錫	四
白燕同吉仙姊聯句	四
客次送春	四
初夏卽事同吉仙姊作	四
留別吉仙三姊	四
秋聲和吉仙姊	五
秋影	五
秋草	五
秋夜	五
和吉仙姊詠秋海棠	五
紅梅	五
綠梅	六
祝慈親大人七旬壽誕	六
展先妣遺像	六
寄外子	六
哭三女	七
哭達兒	七
題陳女史遺稿	八
和伯藩世兄春暮感懷	八
四十述懷	八

六宜樓吟草 目錄

韓紫陽世嫂金安人……………	九
哭彭年次孫……………	九
哭挽佩仙四姊……………	一〇
題欣木姪孫吟月養疴圖……………	一〇

附錄

民國上海縣志……………	一
晚香留夢室詩話……………	一

二

張尙純唱和詩……………	二
丁守磐唱和詩……………	三
丁守楹唱和詩……………	四
跋……………	

蕭穆……………	一
永年……………	二

六宜樓吟草

澧溪姚其慎憶仙著

花朝

東風料峭雨蕭蕭。星眼朦朧困柳條。杏蕊未紅梅乍坼。春光屈指已花朝。

春日偶成

錫簫聲裏近清明。柳媚花嬌雨乍晴。春晝漸長鍼綫懶。倚闌小立看風箏。

錢春

水晶簾卷綠陰肥。小白長紅歷亂飛。百五韶光容易過。一盤櫻筍錢春歸。

寄吉仙三姊

憶昔歡娛少小時。學詩問字姊爲師。而今繡罷慵開卷。筆墨荒蕪感別離。花落春歸雨似絲。添人愁緒繫人思。離懷無限書難達。卜盡金錢君不知。

納涼

暑退清風至。簾開燕子知。焚香窗下坐。明月乍來時。

新雁

忽聞嘹唳渡湘江。昨夜新涼透綺窗。繫帛何時離朔漠。隨陽此日著南邦。蘆汀未白來千里。蓼岸初紅下一雙。惹得離人添別思。深宵不寐對銀缸。

新秋懷吉仙姊

六宜樓吟草

六宜樓吟草

二

拂拂秋風暑已微。新涼天氣未更衣。日長繡罷渾無事。獨倚南樓看雁飛。

秋夜同吉仙姊諸甥作

暑退新涼候。江村夜景幽。金飈吹蓼岸。玉露滴蘋洲。鉢乳全家衍。爐煙竟夕浮。分題同賭韻。佳句愧難酬。

向晚蟲聲急。連天雁陣秋。清光涵四野。爽氣豁雙眸。院竹迎風響。庭梧落葉稠。相逢無幾日。又動別離愁。

九日偶成

光陰轉瞬又重陽。撫景徘徊一舉觴。消瘦黃花遲破萼。鮮妍紅葉乍經霜。雁橫極浦催秋信。人倚高樓望遠方。惆悵題糕空有約。三姊有囊黃此際正思鄉。

留別吉仙三姊

宵深話別燭成灰。曉聽鶯聲幾度催。一挂輕帆留不得。多情贈我數枝梅。相逢廿日只吟哦。佳節元宵倏已過。歸到六宜樓上望。新愁春草一般多。

夏日懷吉仙三姊

蟬噪高槐又一時。離情萬疊兩心知。樓頭望月添愁緒。日暮看雲動別思。回憶拈鍼同刺繡。記曾刻燭教聯詩。而今惆悵睽違久。早訂歸期恐誤遲。

七夕

耿耿銀河玉漏催。璇宮相見但徘徊。絕無巧計留郎住。莫望天孫賜巧來。

贈吉仙三姊

骨肉團圓喜不支。憐君辛苦減丰姿。塘南佳士真情種。祇爲催歸特寄詩。姊妹相逢得幾時。窗前忽賦送行詩。只愁歡會無多日。月自將圓人要離。

秋夜

欲賞新秋月。湘簾齊上鉤。雲開天宇迥。風送桂香浮。葉落驚殘夢。蟲聲助別愁。晚涼吟興好。忘卻數更籌。

別後有懷吉仙三姊

月照妝樓影半斜。闌干倚遍靜無譁。匆匆只恨輕離別。好夢連宵到姊家。鐵馬風微響畫檐。桂花香氣透重簾。樓頭雁影參差過。助我離懷一倍添。

初夏

綠樹迷離別思遙。晝長春去倍無聊。鶯鶯欲繡拈鍼嬾。坐聽簾前燕語嬌。

望三姊逾期不歸

蟲聲唧唧起離思。閒坐窗前欲賦詩。料得雙聲高閣裏。聯吟不覺誤歸期。

和吉仙姊花朝原韻

分箋賭韻遣無聊。每遇佳辰愁暫消。杏蕊枝頭寒尚勒。聽風聽雨度花朝。

春柳

照影依依傍水涯。萬條垂處繫韶華。和烟低鼻黃金縷。暖日烘開碧玉芽。出格

六宜樓吟草

四

風神眉黛細。無邊春色畫圖誇。謝庭且莫輕飛絮。尚有離人未到家。

春草

春風吹綠雨新晴。遙望靡蕪夾道橫。陌上裙腰憐舊迹。階前書帶喜初生。萋萋翠接江南路。隱隱青迷塞北程。仲蔚蓬蒿原不剪。任他一歲一枯榮。

送李鍾秀甥

清明節近總難留。楊柳依依動別愁。唱到驪歌不成句。杜鵑催客上歸舟。

白燕同吉仙姊聯句

王謝常稀見。吉飛來畫檻西。梨花三月夢。吉憶柳絮六橋迷。細語珠簾畔。吉迎風玉翦齊。羽毛憐潔白。吉憶新咏共分題。吉

客次送春

耽吟人正惜韶華。忽送春回恨倍加。滿地落花紅雨細。漫天飛絮綠楊斜。催歸怕聽林中鳥。鼓吹偏憎井底蛙。婪尾一杯聊餞別。傷離我尚未還家。

初夏卽事同吉仙姊作

蘭闥常奉姊爲師。繡罷鴛鴦學賦詩。恨我無才偏弱質。憐君多病減丰姿。別來故里經三月。送得殘春又一時。新綠成陰花爛漫。簾外只愁連日雨如絲。

留別吉仙三姊

連枝同處倍依依。分手河梁淚溼衣。風笛幾聲催我去。扁舟一葉載詩歸。數旬

教誨開茅塞。他日吟哦孰指揮。兩地相思添別緒。秋來怕見雁南飛。

秋聲和吉仙姊

清宵雁唳過江潭。玉笛誰家巧弄三。葉落蕭騷飛院北。蛩吟唧唧響窗南。風傳砧杵千聲急。雨滴梧桐萬點酣。此際愁人眠不得。一燈如豆聽何堪。

秋影

寫出秋容又不同。淡還濃處有無中。芙蓉掩映清流碧。楓樹迷離夕照紅。人靜孤燈明院落。蟲吟皓月印簾櫳。蕭疎一片憑誰畫。水墨模糊似石翁。

秋草

池塘夢醒漫萋萋。不似春風綠滿堤。涼雨催殘香寂寞。征車碾賸路東西。迷離渡口寒煙重。消瘦裙腰夕照低。最是亂山重疊處。一條如綫燒痕齊。

秋夜

簾捲新涼桂子芬。飄來梧葉正紛紛。花階露重喧蟲語。蓼岸風高起雁羣。笛韻砧聲催落月。離懷詩思望停雲。小樓人靜清幽甚。爲愛蟾光坐夜分。

和吉仙姊詠秋海棠

幻出秋容絕世姿。桂花香裏乍開時。劇憐小朵嬌還弱。獨對西風豔不支。冷抱秋心薄世妝。天教點綴好時光。幽姿靜女差堪比。底事芳名喚斷腸。

紅梅

六宜樓吟草

六

換卻濃妝倍有情。茜紗窗畔暗香清。壽陽額上翻新樣。妃子腮邊帶宿醒。傲雪紅葩誰鬥艷。凌霜絳萼影初橫。漫誇桃杏嬌顏色。管領春風獨讓卿。

綠梅

品格孤高淡可憐。瑤臺新降九疑仙。簾前眉黛香痕重。林下風標靚色鮮。玉質慣依修竹伴。冰姿斜映碧溪妍。綠窗人對添詩料。翡翠樓頭句好聯。

己卯六月十三日祝慈親大人七旬壽誕

以下爲子歸後作

奉觴分詠綺筵前。共祝高堂福壽綿。卻喜良辰逢乍放。星明寶婺月將圓。操持家政最心艱。教育辛勞聲易斑。年屆古稀仍刺繡。還娛詩酒自消閒。同開花萼一枝妍。謂三姊才推第一。奉母至孝。恰遇才郎勝謫仙。謂姊丈時水。更羨琢磨磨璧潤。定看虎榜早名填。

膝下相依慰寂寥。年來門戶數蕭條。願祈阿母常康健。一瓣心香禮佛燒。

展先妣遺象

繞膝承歡憶昔年。學詩問字侍親前。而今痛抱終天恨。愁見遺容泣涕漣。

爲愛圖中景色幽。傷心回首更添愁。劬勞罔極恩難報。獨我供甘志未酬。諸姊俱能

奉養純孝

寄外子

幸得乘龍婿作師。那堪睽隔恨難支。一番梅雨添離緒。幾度魚函慰旅思。綺閣

連宵常惜別。江城何日共論詩。繡餘獨坐無聊甚。欲遣愁懷讀史詞。

哭三女

兒病剛逢我病時。有誰提抱倍堪悲。鄉村僻處無醫治。覓得神方已誤遲。
不祥預兆亂啼鴉。病裏驚聞暗自嗟。爲避豺狼兒斷送。移居未卜悔離家。
只恐傷懷感別離。女殤未報阿耶知。塘南風雨蕭蕭夜。正是嬌兒永訣時。
家不安寧三載來。一雙珠顆落泉臺。愛根難割愁難遣。回首傷心更可哀。
旅窗岑寂又逢秋。滿耳蟲聲更助愁。空現曇花如一夢。百般辛苦付東流。
不寐無聊覺夜長。挑燈感悼倍淒涼。今思往事增惆悵。欲寫愁懷已斷腸。

哭達兒

料峭春寒二月時。無端花發折連枝。兒媛之十一日家貧事事難如願不及延醫誤殺兒。

幾度悲兒欲斷腸。人間難覓返魂香。臨危最是傷心處。氣喘聲聲謝阿娘。
明知緣淺惜分離。父兄到館兒依依惜別只囑早歸。死別難堪永訣時。滿面傷痕兩行淚。阿耶不忍見兒姿。

聰明嬌小不知愁。也識承歡慰我憂。空現曇花如一夢。五年辛苦付東流。
妹後兄先更可哀。明珠美玉落泉臺。傷心慘目難成語。只望雙魂入夢來。
美秀丰姿嬉笑顛。牽衣索果惹耶憐。早知無福難招爾。莫到人間了夙緣。

杜鵑聲裏惜花殘。回首思兒淚不乾。幼慧父兄憐愛甚。遺來玩物見心酸。
回憶依依侍膝前。殷勤溫語意纏綿。而今寂寞淒涼夜。怕見簾邊月正圓。

題陳女史遺稿

愛卿高志似寒梅。壓倒羣芳獨占魁。可惜紅閨才絕代。知音未遇返蓬萊。
衍波箋紙浣花詞。妙手拈來盡色絲。一覺南柯成識語。憐才感慨我情癡。

和伯蕃世兄春暮感懷原韻

豔福從來易折磨。韶光明媚感蹉跎。爲憐紅粉腸迴斷。贏得青衫淚溼多。秦晉
未聯情已切。詩詞曾見恨如何。相期再世成嘉耦。定許劉郎畫翠蛾。
琴書長伴豈無聊。何奈殘花歷亂飄。好句每從愁裏得。離魂多是夢中消。樓臺
畫靜風移笛。亭院春深夜品簫。萬里鵬程只努力。明年汁染柳千條。

四十述懷

虛增馬齒感如何。四十年華一刹那。萬事無成愉快少。半生有幾病愁多。驚心
鬢髮呈衰態。回首滄桑等逝波。喜遂齊眉偕老願。敢期晚達占高科。
瀛城七載寄蝸居。姊妹睽違懷遠疏。解悶日長惟刺繡。消閒夜靜且觀書。嬌兒
握管文初學。夫婿安貧志未舒。淡泊家風今苦度。好栽小草耀門閭。
年來消瘦爲多憂。伯也殷勤慰語柔。佳節暫歸舒蘊結。和聲相應寫綢繆。椿萱
萱謝悲懷積。玉碎珠沈隱恨留。細溯前因都是夢。愛根難割淚常流。
十年內孀
子三女

且將煩惱撇胸中。悟得浮生總是空。病後心情常愛靜。醉餘詩句不能工。自知婦職貽多疚。猶幸君姑諒我衷。設悅重逢成俚語。團圓情話樂融融。

輓紫陽世嫂金安人仙逝

奉賢朱雲達先生德配

病起開簾怯曉寒。郵傳噩耗倍辛酸。芳徽未覩情偏重。惆悵無緣一面難。淑德可風我佩之。東西遙隔寸心馳。多才夫壻能追述。懿行嘉言盡入詩。家政親操四十年。相夫訓子夙聞賢。齊眉鴻案如賓友。何忍焦桐竟絕弦。子舍芹香擷泮宮。當年課讀一燈紅。而今又見孫枝秀。遺憾毫無壽考終。詩識吟成蝶夢香。那堪鼓缶似蒙莊。情深伉儷悲分袂。贏得黃門鬢更霜。腸斷離鸞萬念灰。久拋筆墨愧無才。羨君有福先歸去。珍重秦嘉序玉臺。

哭彭年次孫

癸亥一關月

寒夜霜摧瓊樹枝。茫茫身世悵何之。生成異格超凡品。料是紅塵謫滿時。讀書幼慧好爭先。肄業愛羣學校三年。綴屣得甲等。孫喜甚。怎奈聰明不永年。十載未曾離一日。傷心轉瞬隔重泉。

阿爺辛苦枉親嘗。

辛酉春媳殯。兒撫之三年。徒成夢幻。

一度思量一斷腸。自歎此身無福命。連番

玉折倍心傷。

壬辰殤次兒。壬子殤長孫。不勝今昔之感。

十齡心性似成人。膝下依依笑語親。深悔移居罹疾疚。宅卜移居。可憐消瘦減。宅凶。即病。丰神。

六宜樓吟草

一〇

往事回思淚不乾。早知禮法會承歡。病中依舊勤書畫。病中骨瘦如柴猶能寫大字及水彩畫生卷札遺留不忍看。

人去淒涼遺照存。前因似夢不堪論。酸辛骨肉緣何淺。老淚千行哭次孫。

哭輓佩仙四姊

連宵風雨夢難安。噩耗傳來意轉酸。前度別離成永訣。路遙抱恨未憑棺。曾記花朝聚首時。病中依舊惜連枝。十分消瘦可憐處。細把相思訴我知。廿年琴瑟兩調和。曲唱離驚痛若何。畫荻丸熊垂母訓。一生辛苦比人多。共歛節操凜冰霜。彤管貽芬後必昌。素願未酬身已逝。爲秋甥未得報施不爽子應甥未婚問穹蒼。

和平處事一家宜。勤儉持躬獨力支。茹苦含辛還值得。森森玉立有佳兒。少小相依似雁行。分飛兩地倍神傷。任他舊信常還往。怎及欣逢話一堂。癡心欲覓返魂香。萬結縈懷哭斷腸。回溯生平都是夢。情關手足最難忘。痛絕鵲原忍賦詩。愁多難寫幾深思。東裝且待東歸日。當冀靈前略盡悲。

題欣木賢姪孫吟月養疴圖並步元韻

不管人間世事爭。課徒教子最心營。能傳家學方爲孝。厚德修來慶再生。悟得繁華總是空。看花吟月小軒中。養疴消受清幽景。詩料增添字字工。

六宜樓吟草終

附錄

民國上海縣志

姚氏名其慎。字憶仙。南匯人。孝廉方正李邦勳繼室。與姊吉仙女史。閨中酬唱。同推不櫛進士。于歸後。倡和亦多。晚年授徒講學。有宋宣文風。著六宜樓詩稿。待梓。民國十五年卒。年七十六。

晚香留夢室詩話

上海黃協塤式權

吉仙女弟其慎字憶仙。歸上海李梯雲茂才邦勳。梯雲篤志經學。爲我師張嘯山先生入室弟子。憶仙從乃姊學詩。雖才力稍遜。而婉麗過之。著有六宜樓吟草。余從其戚唐君應塤處。錄得數十首。蓋少作也。擇其尤者。如春柳云。幾日東風轉物華。枝枝葉葉漸藏鴉。和烟低鼻黃金縷。濯雨微抽碧玉芽。似我經春腰瘦損。爲誰作意態橫斜。憑君且莫輕飛絮。尙有征人未返家。白牡丹云。前身曾住蕊珠宮。雅淡眞宜賦洗紅。雪嶺夢回詩旖旎。瑤臺春釀露冥濛。銀鐙照座丰神朗。璧月穿簾色相空。略似唐家開秘殿。號姨素面鏡當中。留別吉仙三姊云。花南硯北久相依。分手河梁又落暉。風笛數聲催客去。扁舟一葉載詩歸。幾時花底簾重劈。此別江干絮正飛。叮囑平安書兩字。早憑征雁寄庭闈。送李錫鐘秀云。春光似水去難留。楊柳依依動別愁。唱到驪歌不成曲。杜鵑催客上歸舟。